

**Familiarization, Internalization, Articulation (FIA) Key Terms** © 2023 SRV Partners Released under CC BY-SA 4.0 license. Familiarization, Internalization, Articulation (FIA) Key Terms has been adapted in the following languages Tok Pisin, عربي, Français, हिंदी, Bahasa Indonesia, Português, Русский, Español, Kiswahili, 简体中文 from Familiarization, Internalization, Articulation (FIA) © 2023 SRV Partners. Released under CC BY-SA 4.0 license by Mission Mutual

# E

## Eliya

**Eliya** alikuwa **nabii** muhimu ambaye aliishi takriban miaka 800 kabla ya Yesu kuzaliwa. Nabii ni mtu anayewapa watu ujumbe kutoka kwa Mungu.

Eliya aliishi wakati ambao **Israeli** ulikuwa ukitawaliwa na **wafalme** ambao hawakumtii Mungu, na wafalme hawa walikuwa wamewaongoza watu wa Israeli mbali na Mungu. Watu walikuwa wameanza kuabudu **miungu** ya **uongo**, hasa mungu anayeitwa Baali. Watu walifikiri kwamba Baali huyu alikuwa anahusika katika kuwapa watu mvua. Kwa hivyo Eliya alimwambia mfalme wa Israeli kwamba mvua haingekuwa tena katika Israeli kwa muda mrefu kama alivyosema! Na kwa kweli mvua haikunyesha kwa miaka mitatu, na kwa sababu hiyo njaa ilienea nchi nzima. Baada ya hapo, Eliya aliomba na Mungu akatuma mvua tena. Hii iliwafundisha watu kwamba **Mungu** ndiye aliyetuma mvua, si Baali!

Eliya alifanya miujiza kadhaa wakati wa maisha yake ambayo ni sawa na miujiza ambayo Yesu angefanya miaka mingi baadaye. Kupitia kwa Eliya, Mungu alimpa mjane na mwana wake chakula cha muujiza wakati wa njaa. Mwana wa mjane alipokufa, Eliya alimfufua mtoto huyu kutoka kwa wafu.

Mwishoni mwa maisha yake, Eliya alitenganisha maji ya **Mto Yordani** kwa **nguo** yake na kutembea juu ya maji kuelekea upande wa pili. **Muujiza** huu ulifanana na miujiza ambayo Musa, na pia Yoshua, alikuwa amefanya mamia ya miaka kabla ya Eliya. Kuna kufanana zaidi kati ya Eliya na Musa: Kwa mfano, wote wawili walizungumza na Mungu katika Mlima Sinai. Na katika Agano Jipya, Musa na Eliya wanaonekana pamoja na Yesu juu ya mlima wiki chache kabla ya kifo cha Yesu.

Eliya hakufa kama watu wengine. Mungu alimchukua Eliya hadi **mbinguni** katika gari, ambalo ni gari dogo ambalo linavutwa na farasi ikiwa na moto. Msaidizi wa Eliya, ambaye aliitwa Elisha, akawa mrithi wa Eliya.

Katika kitabu cha nabii Malaki, ambacho kiliandikwa mamia ya miaka baada ya maisha ya Eliya, Mungu aliwaambia watu wa Israeli kwamba kabla ya Mungu kurudi kuhukumu ulimwengu wote, Mungu angemtuma nabii Eliya. Hii inamaanisha

kwamba Mungu angetuma nabii mwingine kama Eliya. Eliya hii mpya angewafanya watu wa Israeli **watubu** ili wawe tayari kumpokea Mungu. Yesu baadaye anawaambia **wanafunzi** wake kwamba Yohana **mbatizaji** alikuwa Eliya ambaye Malaki alizungumzia. Hii haimaanishi kwamba Yohana kwa kweli alikuwa Eliya, lakini inamaanisha kwamba Yohana alikuwa mtu kama Eliya. Yohana alikuwa anafanya kazi kama ile ambayo Mungu alikuwa amempa Eliya, kuwaambia watu wa Israeli wakatubu.

## Elizabeti

Elizabeth alikuwa mama wa **Yohana Mbatizaji**. Mume wa Elizabeti alikuwa Zekaria. Zekaria alikuwa **kuhani** na alimtumikia Mungu katika **hekalu** iliyokuwa **Yerusalemu**. Elizabeti hakuwa na uwezo wa kupata watoto.

Wakati mmoja, wakati mume wake Zekaria alikuwa Hekaluni, malaika **alimtokea** Zekaria na kumwambia kwamba mke wake Elizabeti atakuwa na mtoto mvulana. Mwana huyu angekuwa mtumishi wa Mungu kama **nabii Eliya** na angewaambia **watu** wa **Israeli** watubu ili kuwatayarisha watu kumpokea Mungu. Zekaria hakuweza kuamini kwamba yale **aliyoambiwa** na malaika yangukuwa kweli, kwa sababu Zekaria na mke wake Elizabeti tayari walikuwa wazee. Kwa sababu Zekaria hakumwamini malaika huyo alimwambia Zekaria kwamba hataweza kuzungumza hadi baada ya mtoto kuzaliwa.

Kwa kweli Elizabeti, akawa mjamzito. Elizabeti alikuwa jamaa wa **Mariamamu**, ambaye angekuwa mama wa Yesu. Muda mfupi baada ya hii, malaika alimtokea Mariamu na kumwambia kwamba angepata ujauzito ingawa alikuwa bikira. Mwana wake angekuwa mtu muhimu sana, **mwana wa Mungu**, na angetawala kama mfalme milele. Kisha Mariamu alikwenda kumtembelea Elizabeti. Wakati Mariamu alikuja kwa Elizabeti, mtoto mchanga katika tumbo la uzazi la Elizabeti, aliruka kwa furaha, kwa sababu **Mariamamu** angekuwa mama wa mfalme na **Mwokozi** aliyeahidiwa.

## eloi

**El-Roi** ni jina ambalo Hagari, katika kitabu cha Mwanzo, anampa Mungu. Jina hili linamaanisha "Mungu ananiona." Hagari alimpa Mungu jina hili kwa sababu Mungu alimsaidia wakati yeye na

mwana wake Ishmaeli walikuwa peke yao [jangwani](#) na karibu kufa kwa kiu.

Neno “el” linamaanisha Mungu, na kwa hivyo tunapata majina mengine kadhaa ya Mungu katika Biblia yanayoanza na neno hili “el.” Kila moja ya majina haya inatuambia kitu muhimu kuhusu Mungu.

## el-shaddai

Wasomi hawajui jina **El-Shaddai** linamaanisha nini hasa. El-Shaddai ni jina la [Mungu](#) ambalo huenda linamaanisha Mungu Mwenyezi au Mungu Mwenye Nguvu Zote. Shaddai inaweza kumaanisha “wa kutosha,” kwa hivyo jina hili la Mungu linaonyesha kwamba Mungu ni mwenye nguvu zote na anayetosha kwa mahitaji ya watu wake. Jina hili la Mungu linatumiwa hasa katika kitabu cha Mwanzo.

Neno “el” linamaanisha Mungu, na kwa hivyo tunapata majina mengine kadhaa ya Mungu katika Biblia yanayoanza na neno hili “el.” Kila moja ya majina haya inatuambia kitu muhimu kuhusu Mungu.

## elyon

**El-Elyoni** ni jina ambalo watu wanatumia kurejelea [Mungu](#). El-Elyoni inamaanisha “Mungu mkuu zaidi.” Watu wanapotumia jina hili kwa Mungu, wanakumbushwa kwamba Mungu ndiye mwenye nguvu zaidi ya kiumbe chochote. Jina hili linamaanisha kwamba hakuna mtu ambaye ni muhimu zaidi, au aliye na [mamlaka zaidi](#), au aliye na nguvu zaidi kuliko Mungu. Watu mara nyingi hutumia jina hili kwa Mungu katika Zaburi, lakini pia katika vitabu vingine kadhaa katika Agano la Kale.

Neno “el” linamaanisha Mungu, na kwa hivyo tunapata majina mengine kadhaa ya Mungu katika Biblia yanayoanza na neno hili “el.” Kila moja ya majina haya inatuambia kitu muhimu kuhusu Mungu.